

Na osnovu odredbi Statuta Nogometnog kluba „Čelik“ Zenica (broj: 002-S/21 od 23.07.2021. godine), te člana 5. Pravilnika o izborima Nogometnog kluba „Čelik“ Zenica, Nadzorni odbor raspisuje

K O N K U R S

za izbor članova u organe Nogometnog kluba „Čelik“ Zenica

1. PREDMET KONKURSA

Nogometni klub „Čelik“ Zenica (u daljem tekstu: NK ČELIK) objavljuje konkurs za izbor:

- predsjednika i članova Upravnog odbora,
- članova Nadzornog odbora,
- članova Tehničkog odbora,
- članova Statutarne komisije.

1.1. IZBOR PREDsjedNIKA I ČLANOVA UPRAVNOG ODBORA

Upravni odbor je poslovodno tijelo koje rukovodi poslovanjem Kluba i upravlja radom stručnih službi u skladu sa zakonom, Statutom, općim aktima Kluba te odlukama klupskih tijela.

Upravni odbor čine:

- a) Predsjednik,
- b) od 2 do 8 ostalih članova.

Predsjednik Upravnog odbora je po automatizmu Predsjednik Kluba, odnosno lice ovlašteno za zastupanje i predstavljanje Kluba.

1.1.1. Pravo kandidature

Pravo kandidature za Predsjednika, te člana Upravnog odbora imaju osobe koje su članovi NK ČELIK u vrijeme podnošenja prijave.

(Napomena: Članovi Upravnog odbora ne mogu biti osobe koje ne mogu biti članovi Skupštine, odnosno Nadzornog odbora u smislu odredbi člana 39. i 57. Statuta NK ČELIK, izuzev alineje 3. člana 57. koja se odnosi na stepen obrazovanja. Statut NK ČELIK javno je dostupan na <https://nkcelik.ba/wp-content/uploads/2021/12/Statut-NK-Celik-Zenica.pdf>)

1.1.2. Prijava kandidature za izbor Upravnog odbora odnosno Predsjednika Kluba

Kandidat za Predsjednika ispred predloženog sastava Upravnog odbora podnosi prijavu za izbor.

Prijava mora sadržavati sljedeće:

- a) Listu u kojoj su navedeni lični podaci kandidata za Predsjednika i ostalih članova Upravnog odbora, sa minimalno 10% potpisa članova Kluba sa pravom glasa u vrijeme predaje kandidature,
- b) Biografiju svih kandidata sa Liste,
- c) Ovjerenu izjava od strane nadležnog organa o prihvatanju kandidature za izbor Predsjednika, odnosno članova Upravnog odbora,
- d) Uvjerenje o neosuđivanosti/nekažnjavanju u smislu člana 39. Statuta.
- e) Plan razvoja Kluba.

1.2. IZBOR ČLANOVA NADZORNOG ODBORA

Nadzorni odbor je organ kluba i stalno radno tijelo Skupštine kojoj i odgovara za svoj rad. Nadzorni odbor ima 7, 9 ili 11 članova.

1.2.1. Pravo kandidature

Članovi Skupštine Kluba, imaju pravo ukupno predložiti do 8 kandidata.

Grad Zenica može predložiti 1 kandidata ispred Grada Zenice.

Upravni odbor može predložiti do 2 kandidata ispred istaknutih sponzora Kluba.

Član Skupštine Kluba se može sam kandidovati za mjesto u Nadzornom odboru uz obavezu dostavljanja liste potpisa od 2% članova Kluba koji podržavaju njegovu kandidaturu.

Pravo kandidature za člana Nadzornog odbora imaju osobe koje su članovi NK ČELIK u vrijeme podnošenja prijave.

(Napomena: Članovi Nadzornog odbora ne mogu biti osobe iz člana 57. Statuta NK ČELIK. Statut NK ČELIK javno je dostupan na <https://nkcelik.ba/wp-content/uploads/2021/12/Statut-NK-Celik-Zenica.pdf>)

1.2.2. Prijava kandidature za izbor članova Nadzornog odbora

Osobe iz tačke 1.2.1. ovog konkursa uz prijavu za izbor članova Nadzornog odbora, dužni su za predložene kandidate dostaviti:

- a) diplomu ili uvjerenje o završenom visokom obrazovanju (minimalno VII stepen stručne spreme, odnosno visoko obrazovanje prvog ciklusa koje se vrednuje sa 180 odnosno 240 ECTS bodova ili drugog ili trećeg ciklusa Bolonjskog sistema studiranja). U slučaju da fakultet nije završen u BiH, strana diploma mora biti nostrifikovana (dokaz o nostrifikaciji),
- b) Uvjerenje o neosuđivanosti/nekažnjavanju u smislu člana 57. Statuta NK ČELIK.

1.3. IZBOR ČLANOVA TEHNIČKOG ODBORA

Tehnički odbor Skupštine je tijelo Skupštine koje pomaže u pripremanju sjednice Skupštine i osigurava prostorno-sigurnosne uvjete za održavanje sjednice, dnevni red, materijale, te provodi izbore u organe Kluba.

Tehnički odbor čine 3 (tri) do 5 (pet) članova.

1.3.1. Pravo kandidature

Pravo kandidature za članove Tehničkog odbora imaju osobe koje su članovi Skupštine u vrijeme podnošenja prijave.

1.3.2. Prijava kandidature

Kandidati za članove Tehničkog odbora dužni su dostaviti potpisanu prijavu sa kraćom biografijom.

1.4. IZBOR ČLANOVA STATUTARNE KOMISIJE

Statutarna komisija je tijelo Skupštine koje daje stručna pravna mišljenja o odredbama Statuta, zatim ocjenjuje usklađenost akata Kluba sa Statutom, daje tumačenje Statuta Kluba, prati njegovu primjenu, daje mišljenje o pojedinim odredbama Statuta, zauzima stavove o svim konfliktima u primjeni Statuta, razmatra prijedloge i predlaže način rješavanja nastalih sporova o primjeni Statuta i ocjenjuje zakonitost izmjena i dopuna odredbi Statuta.

1.4.1. Pravo kandidature

Pravo kandidature za članove Statutarne komisije imaju osobe koje su članovi Skupštine u vrijeme podnošenja prijave.

1.4.2. Prijava kandidature

Osobe iz tačke 1.4.1. ovog konkursa uz prijavu za izbor članova Statutarne komisije, dužne su dostaviti:

- a) diplomu ili uvjerenje o završenom visokom obrazovanju - Pravni fakultet (VII stepen stručne spreme, odnosno visoko obrazovanje prvog ciklusa koje se vrednuje sa 240 ECTS bodova). U slučaju da fakultet nije završen u BiH, strana diploma mora biti nostrifikovana (dokaz o nostrifikaciji),
- b) biografiju sa obaveznim navođenjem radnog iskustva na pravnim poslovima.

2. MANDAT

Mandat izabranih članova svih organa Kluba traje 4 (četiri) godine.

3. NAČIN PODNOŠENJA PRIJAVE

Prijave kandidature za izbor članova u organe NK ČELIK sa traženom dokumentacijom (original ili ovjerene kopije) dostavljaju se u zatvorenoj koverti lično u prostorije Kluba ili poštom (preporučenom pošiljkom) na adresu:

**NK ČELIK ZENICA
- TEHNIČKI ODBOR -
Ul. Bulevar Kulina bana bb
72 000 Zenica**

sa naznakom: "Prijava na konkurs za izbor (navesti organ Kluba za koji se vrši prijava)"

- NE OTVARATI -

Prijave dostaviti najkasnije do 19.07.2024. godine.

4. OSTALE NAPOMENE

Ovaj konkurs objavljuje se na službenoj web stranici NK ČELIK <https://nkcelik.ba/>

Sve kandidature se podnose Tehničkom odboru (koji ima svojstvo Izborne komisije) koji vrši ocjenu prijava tj. usklađenost istih sa ovim konkursom i Statutom.

Izbor članova u organe Kluba provest će Skupština NK ČELIK na redovnoj sjednici (koja ima karakter Izborne Skupštine) koja je zakazana za dan 22.07.2024. godine.

Predsjednik Nadzornog odbora